

Morning Dogri (NSD) National News Bulletin 21-01-2025

आकाशवाणी

- डोनाल्ड ट्रंप होरें अमरीका दे 47में राष्ट्रपति दे तौर पर सगंध लैती ते जे.डी.वैंस होरें उपराष्ट्रपति दे तौर पर सगंध लैती।
- प्रधानमंत्री नरेन्द्र मोदी होरें ते वैश्विक नेताएं डोनाल्ड ट्रंप होरें गी ममारकबाद दित्ती ऐ।
- गणतंत्र दिवस परेड 2025 च भारत दी सांस्कृतिक ते फौजिएं दी पराक्रम दा प्रदर्शन कीता जाग ते संविधान दे 75 बरें दे कनून बनाने ते जन भागीदारी उप्पर खास ध्यान दित्ता जाग।
- दिल्ली विधानसभा चुनाएं लेई मेदवारी वापस लैने दे मगरा तकरीबन 699 मेदवार 70 सीटें लेई मैदान च उतरी गेदे न।
- टाटा स्टील चैस च भारतीय स्टार गुकेश डोम्माराजू दा त्रीए राउंड च यू.एस दे फबियानो कस्आना कन्नै मैच झा रेआ।

<><><><><><>

Donald Trump

डोनाल्ड ट्रंप होर अमरीका दे 47में राष्ट्रपति दे तौर पर अपना कम्मकाज सांभी लैता ऐ। उनें दुए कार्यक्रम आस्तै औहदे ते राजदारी दी सगंध लैती। वाशिंगटन डीसी दे कैपिटॉल रोडुंडा च अमरीका दे मुख न्यायधीश जॉन रॉबर्ट्स होरें उनेंगी कल रातीं औहदे ते राजदारी दी सगंध दोआई। इस मौके पर उनें गी तोपें दी सलामी दित्ती गई। इस दरान उपराष्ट्रपति औहदे लेई जे.डी.वैंस होरें गी न्यायमूर्ति ब्रेट केबना होरें सगंध दोआई। राष्ट्रपति दे औहदे दी सगंध लैने मगरा अपने संबोधन च राष्ट्रीय ऊर्जा आपातकाल लाने दी घोषणा कीती तां जे ईंधन दी कीमतें गी घटाया जाई सके, इस चाल्ली उनें अपना इक प्रमुख चुनावी वायदा पूरा कीता। उनें आखेआ ऐ खर्च ते ईंधन दी कीमतां बधने करी मेंहगाई दी समस्या पैदा होइ ऐ। उनें आखेआ जे मुख्य च इक नमें ध्याय दी शुरूआत होआरदी ऐ ते अमरीका पैहले दे बचार गी सब्बने थमां मती तरजीह आला दस्सदे होई अपनी अगुवाई च अमरीका व ज्ञवर्ण युग दी शुरूआत दी घोषणा कीती।

अमरीकी मजदूरीं ते उंदे परोआरें दी सुरक्षा आस्तै बपार प्रणाली च फौरी बदलाव दा प्रण पांदे होई राष्ट्रपति होरें आखेआ जे ओह अपने नागरिकें दी समृद्धि आस्तै विदेशें पर बपार कर लांगन। विदेश मंत्री डॉ. एस.जयशंकर होरें इस कार्यक्रम च भारत दी नुमांदगी कीती। इस कार्यक्रम च केई सारे मुखें दे नेता ते मन्ने परमन्ने दे कारोबारी शामिल होए। प्रधानमंत्री नरेन्द्र मोदी होरें राष्ट्रपति ट्रंप होरें गी अमरीका दे 47में राष्ट्रपति दे तौर पर कम्मकाज सांभने आस्तै शुभकामनां दित्तियां न। सोशल मीडिया पोस्ट च प्रधानमंत्री मोदी होरें आखेआ जे ओह दौनों मुखें दे हित ते विश्व आस्तै इक बेहतर भविष्य जकीनी करने आस्तै इक बारी परतियै अमरीका कन्नै रलियै कम्म करने लेई उत्सुक न।

<><><><><><>

RD Parade

गणमंत्र दिवस परेड 2025 च भारती संस्कृति ते फौजिएं दी पराक्रम गी दस्सेआ जा'रदा ऐ जेह्दे च संविधान दे 75 ब'रें दे कनून बनाने ते जन भागीदारी उपर खास ध्यान दित्ता जा'रदा ऐ। इस ब8रे इंडोनेशिया दे राष्ट्रपति प्रोबोवो सुवियांतो इस परेड च मुख्य परौहने होंगन। नमीं दिल्ली च मीडिया गी संबोधत करदे होई रक्षा सचिव राजेश कुमार सिंह होरें ऐलान कीता ऐ जे भारतीय थेआर बलें दी टुकड़ी दे कन्नै कन्नै कर्तव्य पथ पर परेड च 160 सदस्यें आली मार्चिंग टुकड़ी ते इंडोनेशिया थमां 170 सदस्यें आली बैंड टुकड़ी हिस्सा लैग।

<><><><><><>

RD Parade-J&K

जम्मू कश्मीर च गणतंत्र दिवस समारोह गी सुचारू ढंगे कन्नै चलाना जकीनी बनाने लेई सुरक्षा दे पुख्ता बंदोबस्त कीते गे न। मुख्य समारोह जम्मू दे एम.ए.स्टेडियम च होग जेह्दी अध्यक्षता उपराज्यपाल मनोज सिन्हा होर करगंन ते परेड दी सलामी लैगन। मुख्यमंत्री उमर अब्दुल्ला होर समारोह च मुख्य परौहने होंगन। इस मौके पर सुरक्षा लेई अंतर्राष्ट्रीय सीमा ते एलओसी कश पुलस ते नीम फौजी बलें गी तैनात कीता जा'रदा ऐ ते वरिष्ठ पुलस अफसर निजी तौर पर संवेदनशील इलाकें च सुरक्षा दी समीक्षा करा'रदे न।

<><><><><><>

Foreign Journalists

विदेश मंत्रालय ते उत्तर प्रदेश सरकार दे वरिष्ठ अधिकारिण कल नमीं दिल्ली च विदेशी पत्रकारें कन्नै इक गल्लबात सत्र दा आयोजन कीता गेआ जेह्दे च चला'रदे महाकुंभ 2025 दे बक्ख-बक्ख पैह्लुएं उप्पर चर्चा कीती गई। अधिकारिण इस आयोजन दे अघ्यत्मिक सांस्कृतिक ते आर्थिक महत्ता बारे जानकारी दित्ती। इस गल्लबात दरान उत्तर प्रदेश सरकार दे नुमांयंदे इस गल्ले पर जोर पाया जे महाकुंभ 2025 होरने बड्डे वैश्विक गी पार करने आला ऐ। जित्थें ब्राजील च रियो कार्निबल च 70 लोक शामिल होंदे न, हज यात्रा च 25 लक्ख लोक शामिल होंदे न ते जर्मनी दे अक्तूबर फ़ैस्ट च 72 लक्ख लोक शामिल होंदे न ते उत्थें गै महाकुंभ 2025 च 15 करोड़ लोकें दे शामिल होने दी मेद ऐ। एह्दे कन्नै महाकुंभ दे बाद्धे पैमाने ते वैश्विक महत्व गी रेखांति कीता जंदा ऐ जेह्ड़ा दुनिया दे सारे शा बडे मते शामिल न।

<><><><><><>

Delhi Election

दिल्ली विधानसभा चुनाएं लेई मेदवारी कायम जैने मगरा तकरीबन 699 मेदवार 70 सीटें लेई मैदान च उमरगंन। कल नामांकन वापस लेने दी खीरी तरीक ही। 23 मेदवारें दी सारे शा मती गिनतरी नमीं दिल्ली विधानसभा क्षेत्र च ऐ जिसलै जे सारें शा घट्ट 5 मेदवार पटेल नगर ते कस्तूरबा नगर दी सीट पर खड़ोते दे न।

<><><><><><>

Chess

नीदरलैंड दे विज्क ऑन जी च टाटा स्टील शतरंज प्रतियोगिता च भारत दे गुकेश डोनाराजू ते फ़ैबियानो कारूआना बश्कार त्रीए राउंड दा मैच ड्रा रेआ। होरने मैचें च रमेश बाबू प्रज्ञानंदा होरें हमवतन अर्जुन एरिगेसी गी हराया ते अजबेकिस्तान दे नोछिरबेक अब्दस हुंदे कन्नै अंक तालिका च शीर्ष पर पुज्जी गे। दवै खडारी फिलहाल 2.5 अंके कन्नै बरोबरी पर न।

<><><><><><>

PM

जनजातीय मामले सरबन्धी मंत्रालय नमीं दिल्ली दे भारत मंडपम च प्रधानमंत्री जन मन पर जिला अधिकारिणं दा राष्ट्रीय सम्मेलन आयोजित करा'रदा ऐ। जनजातीय मामले दे मंत्री जुएल ओराम ते जनजातीय मामले दे राज्य मंत्री दुर्गादास एङ्के सम्मेलन च हिस्सा लैंगन। सम्मेलन च 5 प्रमुख क्षेत्रें पर ध्यान केन्द्रित कीता जाग जिंदे च ग्रामीण विकास, होस्टल, पीने आले पानी, आंगनवाड़िणं दे संचालन ते बहु-उद्देश्यीय केन्द्रें दा संचालन शामिल ऐ। एहदा मकसद सुधार दी संभावना आले जिले च बेह्तरीन प्रथाएं गी सांझा करना। प्रगति गी सहूलतां बधाना ते मिशन दे मकसद गी तेज रफ्तार कन्नै पूरा करियै प्रधानमंत्री मोदी हुंदे नजरियै मूजब लाह पजाना ऐ।

<><><><><><>

Women Cricket

आईसीसी अंडर-19 महिला क्रिकेट टी-20 विश्व कप च ग्रुप-ए दे मकाबले च भारत दा सामना मेजबान मलेशिया कन्ने होग। एह मैच कुआलम्पुर च दपैहरी शुरू होग। ग्रुप-ए दे इक होर मकाबले च वेस्टइंडीज दा मकाबला श्रीलंका कन्नै होग।

<><><><><><>